



UNIVERSITÄTS-  
BIBLIOTHEK  
PADERBORN

**Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs  
Tractatus de Prædestinatione, de Trinitate, de Angelis, & de homine

**Gonet, Jean-Baptiste**

**Coloniæ Agrippinæ, 1671**

§. I. Vera sententia statuitur,

---

[urn:nbn:de:hbz:466:1-77146](#)

*mallet*  
Angelus produceretur sine speciebus, pateretur A violentiam, sicut & nunc si ab eo auferrentur: Ergo illæ sunt veræ & rigorosæ proprietates, & non solum accidentia communia naturæ Angelicæ.

70. Respondeo, ut aliquid dicatur pati violentiam, sufficere quod ei denegetur vel auferatur id quod requirit ad suum complementum, & ad quod per modum principii activi vel passivi inclinatur: nam causa secunda habens objectum applicatum, & virtutem proportionatam in suo ordine, effet in statu violento, si negaretur illi concursus Dei; & corpus ultimò organizatum, si non infunderetur anima, licet causa secunda ad Dei concursum, & corpus ad r̄nimam, non habeant inclinationem activam, sed tantum passivam: unde cum natura Angelica species intelligibiles ad suum complementum requirat, & illas per modum principii, scilicet passivi, conaturaliter respiciat, ut suprā vidimus, Angelus pateretur violentiam, si absque illis produceretur, vel si nunc ab eo auferrentur; quamvis ab ejus essentia activè nondim. nent ut proprie ejus passiones.

71. Objecies ultimò: Si species Angelii non essent naturales ejus proprietates, homo effet perfectior naturæ quam Angelus: Sed hoc dici nequit: Ergo nec illud. Sequela Majoris probatur: Natura intellectiva quæ potest seipsum reducere in actum ex propriis principiis, perfectior est eā quæ ab intrinseco, & ex propriis principiis non potest se in actum reducere: Atqui natura humana ratione intellectus agentis potest seipsum reducere in actum, acquirendo species, quod tamen non potest natura angelica, si species intelligibiles ab ejus essentia non fluant tanquam proprietates: Ergo si species Angelii non essent naturales ejus proprietates, homo effet perfectioris naturæ, quam Angelus.

72. Respondeo negando sequelam: ad cuius probationem, nego absolute Antecedens. Nam ex Aristotele 2. de colo textu 60. & ex Divo Thoma 1. 2. quæst. 5. art. 5. ad 2. natura illa quæ bonum suum consequitur nobiliss., & nobilio rimo, etiamsi id fiat cum exteriori auxilio, perfectior est & nobilior illa quæ bonum suum imperfectius consequitur ex seipso: sicut homo est nobilior brutis, et si non possit acquirere propriam perfectionem & beatitudinem, nisi cum auxilio externo Dei.

#### ARTICULUS IV.

*Vtrum Angeli per species universales intelligent, & eo universaliores, quod ipsi sunt in natura superiores?*

73. **Q**uestio non procedit de universalis incauſtia, quo pasto Deus & corpora cœlestia dicuntur universalia, quia plures & diversos causant effectus: nec de universalis in prædicando, quomodo naturæ communes, & per operationem nostri intellectus à suis inferioribus abstractæ, per comparationem ad illa appellantur universales: sed de universalis in repræsentando, quod scilicet plura objecta simul repræsentat, non confusè & secundum aliquam rationem communem in qua conveniunt, sed clare & distinctè, & secundum proprias rationes specificas & individuales. Unde sensus tituli est, an

Angeli intelligent per species plura objecta classac distincte repræsentantes, & tanto plura quantum sunt in natura superiores & perfectiores?

Negant Scotus, & omnes illi qui docent Angelum desumere suas species ab objectis, quibus favet Vazquez hic disp. 203. cap. 2. dicens ea hypothesi ( quam tamen negat ) quod denonciant species in Angelis, adhuc non posse cum fundamento, imo nec cum probabili conjectura affirmari, quod superior per speciem universaliorem naturas sibi inferiores intelligat.

Sententia tamen affirmans, communis est apud Theologos, eamque expresse docet S. Thoma hic art. 3. omnesque ejus Discipuli; licet fermenti 2. contra Gentes cap. 98. ejus doctrinam censeat esse intelligendam de Angelis superiorebus in hierarchia vel ordine, non in gradu specifico & natura: alii vero existimunt species Angelii superioris dici universaliores, non quod plures naturas & quidditates specificas representent, sed solum quia repræsentant plura ejusdem naturæ individua, aut plures ejus proprietates & modos.

#### S. I.

*Vera sententia statuitur.*

C **D**ico primò: Angeli intelligent per species universales, hoc est plura objecta simul repræsentantes

Probatur primò: Species angelicae non sunt de sumptu rebus, sed immediate à divina effectione exemplatae ac derivatae, ut art. 3. ostendimus: At quamvis species ab objecto causata, illam solum quidditatem & naturam à qua causata sunt, repræsentent, quia ex ipso objecto à quo causantur determinationem & limitationem habent; illæ tamen que immediata exemplatae a derivatae sunt à divina effectione, possunt plures naturas repræsentare: sicut & ipsa divina effectione à qua derivatae sunt, & cuius sunt effluxus & participationes, ut est species exemplariter, omnes naturas creatas & creables clare & distincte repræsentant.

Confirmatur: Species quæ intellectus nostri exprimit ex aliis præconcepitis, puta species mortis aurei, chimerae, &c. plura continent diversæ naturæ: quia non exprimuntur, nec conferuntur mensurantur à rebus ut sunt in se, sed in actu intellectu, qui potest adunare quacunque distinctæ sunt. Item figura impressa cere & charra continet canem, leonem, & alia; cum factum una figura: quia non mensurantur à rebus prout sunt in seipso, sed juxta modum effectionis, quem habent in signo in quo uniuersitatem & actionem derivantur. Denique imago domus expressa charta ab artifice, continet ligna, lapides, &c. tera ad domum constructionem requiri: quia non accipit unitatem ab illis rebus, ut in seipso, sed ut sunt in intellectu eas adunante, & ex illa unam formante ideam domus faciendo. Cum ergo pariter species angelicae non exprimantur, nec mensurantur à rebus quas repræsentant, ita sunt in seipso, sed prout sunt in effectione divina, in specie & idea, sicut divina effectione, una & simplicissima existens, plures naturas & quidditates claræ & distinctè repræsentare potest, ita & species angelicæ ab illa derivatae exemplatae.

Probatur secundò: Virtutes in causis inferioribus divisiæ, adunantur in causis superioribus & a superioris ordinis. Sed species impressa sunt quatuor

virtutes representativa, aliquo modo completes A  
naturam intellectivam. Ergo quæ in specibus in-  
ferioribus sunt divisa & dispersa in representando,  
adunantur in superioribus; atque adeò cū species  
angelicæ fine superioris; habebunt virtutē repræ-  
sentandi plura, quæ non representantur nisi per  
plures species inferiores. Major probatur ex illo  
communi axiome Dionysii: Quæ sunt dispersa  
in inferioribus, adunantur in superioribus. Et pa-  
receriam inductione: nam species sensibilis, verbi  
gratiæ visibilis, representat sensibile proprium &  
sensibile commune, quæ tamen in esse entis di-  
stinguuntur realiter. Deinde objecta omnia quæ  
per singulas species singulis sensibus externis  
diffinite representantur, per unicam spe-  
ciem sensus communis representantur; & omnia  
quæ à sensibus tam internis quam externis  
participantur sub distinctis realiter specificativis,  
intinguntur ab intellectu sub una ratione for-  
malis. Idem etiam appareat in artibus & scientiis;  
que quanto superiores & perfectiores sunt, tanto  
objectum suum modo simpliciori & universalio-  
ri attingunt, ut infra exponemus.

Probatur tertius conclusio: Perfectissimus crea-  
tus universi debet convenire perfectissimus mo-  
dus cognoscendi; dummodo ille sit possibilis  
creature, nullamque involvit repugnantiam: Sed modus intelligendi per species universales in  
representando, multò perfectior & nobilior est,  
modo cognoscendi per species particulares, seu  
unam tantum naturam representantes, ut de se  
confit; & aliund modus ille cognoscendi nul-  
lum involvit repugnantiam, ut ex argumento  
rum solutione patet: Ergo Angelicæ naturæ  
degenerari non debet.

Dico secundum: Angelus quod superior est in es-  
senzia, eò per species universaliares, sive plura  
distincte representantes, intelligit.

Probatur ratione Divi Thomæ hic art. 3, quæ  
sic in formam redacta potest proponi. Quo An-  
gelus est similius Deo in ordine intellectuali, eò  
per species universaliares debet alia a se cognoscere. Sed eò est similius Deo, quod est superior  
intellexi: Ergo quod superior est alteri in es-  
senzia, eò per species universaliares debet intelli-  
gente. Minor constat, Major vero probatur. Qui Angelus est similius Deo in ordine intellexi-  
tali, eò magis divinas perfectiones ad talem  
intellexum: Ergo quod Angelus est similius  
Deo in gradu intellectuali, eò magis debet ejus  
modi perfectionem participare, subindeque per  
speciem plura distincte representantem, atque  
alio universaliorem, intelligere. Minor patet,  
Major vero ex eo manifesta videtur, quod quan-  
tum magis creatura in suo ordine accedit ad Deum,  
tunc magis perfectiones divinas ad talem ordi-  
nem pertinentes participare debet.

Dices, Hoc esse verum quando perfectio di-  
vina participabilis est à creatura: vis autem co-  
gnoscendi omnia per unam speciem, non est à  
creatura participabilis, sicut nec ratio actus puri  
& per essentiam.

Ut hoc responsio confutetur, & ratio Divi  
Thomæ magis illustretur & stabiliatur, Adver-  
tendum est cum Cajetano hic, perfectiones Dei  
alias esse formaliter communicabiles, secun-  
dum id quo d'formaliter & simpliciter exprimunt;

tom. II.

cujusmodi sunt sapientia, bonitas &c. alias verò  
incommunicabiles, ut esse actum purum, ens  
per essentiam &c. Inter quas hæc est differen-  
tia quoad propositum, quod quamvis creaturæ  
possint esse similes Deo quoad omnes, secun-  
dum eas quodammodo ad eum appropinquan-  
do; tamen appropinquatio secundum perfectio-  
nes prioris generis, fit per majorem accessum ad  
illas, hoc est per hoc quod magis & magis partici-  
patur perfectio quam dicit carum ratio for-  
malis. At verò major secundum alias appropin-  
quatio, fit potius per majorem recessum ab op-  
posito: in quo quidem recessu, quamvis invol-  
vatur participatio perfectionis quam in se dicunt,  
non attingitur tamen, ut habeatur illud quo for-  
malissime simpliciter constituantur. Quantum-  
cumque enim aliquid appropinet Deo quoad  
actum, nunquam tamen habebit rationem for-  
malis actus puri simpliciter; sicut quod appro-  
pinquat Deo quoad sapientiam, habet formalis-  
ter rationem sapientiae simpliciter dictæ.

Advertendum præterea, supremam universi  
portionem, id est Angelos, ex sua natura sibi  
vendicare assimilationem cum Deo, secundum  
omnes perfectiones simpliciter: cuilibet enim  
Angelo inest existentia, bonitas, sapientia, ve-  
ritas &c. In hoc ergo consistit tota vis rationis  
D. Thomæ, quod Angeli superiores debent in-  
telligere per pauciores & universiores species,  
quia sunt similiores Deo, quoad omnes perfec-  
tiones simpliciter; non solum enim intelligere  
est perfectio simpliciter, sed etiam intelligere  
omnia per unum: unde quamvis intelligere per  
unum, non possit ita participari à creaturis, ut  
illud formaliter & simpliciter habeatur; potest  
tamen participari per recessum ab oposito, ita  
ut minus de multiplicitate medii ad intelligentiam  
habeatur.

Huic rationi affinis est alia quam habet idem  
S. Doctor 2. contra Gentes cap. 98. & quæ po-  
test sic proponi. Intellectus Angelicus est medium  
inter intellectum divinum & humanum: unde  
cum medium debeat aliquid participare de utro-  
que extremo, Angelus habet aliquid de purita-  
te & actualitate intellectus divini, & aliquid de  
potentialitate & compositione intellectus hu-  
mani; & per consequens non intelligit omnia  
per unam speciem, sicut Deus, nec per spe-  
cies ita particulares, sicut anima nostra: sed  
per species magis vel minus universales, juxta  
majorem vel minorem ejus accessum ad Deum,  
& majorem aut minorem ejus recessum ab anima  
nostra.

Tertia ratio quæ sumitur ex quæstione 8. de ve-  
rit. art. 10. hæc est: Quod aliquæ species est magis  
actualis & immaterialis, eò etiam debet esse ma-  
gis universalis: Sed species quibus Angeli intel-  
ligunt, eò sunt magis actuales & immateriales,  
quod Angeli sunt superiores in natura: Ergo quod  
Angelus erit superior in natura, eo intelliget per  
species universaliares. Minor patet: quia quod  
intellexi Angeli sunt superiores, eò sunt ma-  
gis actuales & immateriales; diminuit enim  
substantia magis actuall & immateriali: Ergo  
species eò erunt magis actuales & immateriales,  
quod intellectus quem afficiunt erit superior; per-  
fectum siquidem & perfectibile, intellectu-  
m & intelligibile, debent sibi correspondere,  
preferenti in immaterialitate, utpote quæ est ra-  
dix tam intellectualitatis, quam intelligibilita-

80

81.

82.

is. Major verò probatur: Tum quia proprium est materiae contrahere, limitare, & individuare; subindeque quod aliquid magis abstrahit a materia, eò erit universalius: Tum etiam inductione: nam sensus internus, quia est magis immaterialis quam externus, cognoscit per species magis universales; & intellectus adhuc per universiores, quia est magis immaterialis, quam sensus internus; denique Deus, quia est actus purus & summè immaterialis, intelligit per speciem magis universalem, quandoquidem se & alia per unicam speciem intelligit.

**33** Probatur denique conclusio ratione desumpta ex 2. sent. dist. 3. quæst. 2. art. 2. In omnibus scientiis & artibus, tive speculativis, sive operativis, oportet quod illa quæ est altior & ordinativa aliarum, consideret rationes magis universales: Sed Angeli superiores habent scientiam ordinativam scientiæ inferiorum, tam practicam, quam speculativam, cum superiores inferiorum actus & officia disponant, eosque perficiant & purgent, ut docet Dionysius: Ergo scientia Angelorum superiorum est universalior, & consequenter habet species universaliares. Major probatur inductione: Nam sub civili scientia est ars militaris; sub militari equestris, & sic deinceps: unde propterea civilis considerat bonum humanum absolute; militaris verò bonum humanum, ut determinatum ad res bellicas; & ob hanc rationem scientia inferior accipit sua principia à superiorib; per quæ suas conclusiones a priori demonstrat. Et hoc adhuc clarius est in scientiis speculativis: nam metaphysica, quæ est ordinativa aliarum, in quantum examinat principia universalissima, considerat rationem entis absolute; aliae verò scientiæ speculativæ versantur circa aliquam determinatam ipsius entis partem.

Huic rationi D. Thomæ consonat id quod docet Dionysius cap. 22. cœleſtis Hierarchia: scilicet quod superiores Angeli participant scientiam magis in universalis, quam inferiores. Consonat etiam id quod dicitur in libro de causis: nempe quod intelligentiae superiores habent formas magis universales.

Neque valet responsio Vazquezii, dicentis Dionysium loco citato nullam facere mentionem de speciebus Angelicis, sed solum intendere quod Angeli superiores habent scientiam, quæ ad plura objecta se extendit quam scientiam inferiorum. Non valet, inquam, hæc solutio: quia ibi Dionysius loquitur de scientia naturali Angelorum: hæc autem in superioribus non se extendit ad plura objecta, quam in inferioribus; cum totum universum, & quidquid naturalis est ordinis, ipsis etiam inferioribus Angelis pateat, ut infra dicemus, & ipse me Vazquez concedit. Unde licet Dionysius ibi non faciat expressam mentionem de speciebus Angelicis: ex hoc tamen quod Angeli superiores participant scientiam magis in universalis, quam inferiores, aperte colligitur, species in Angelis superioribus esse universaliares, quam in inferioribus: cum enim, ut recte arguit Suarez, superiores Angeli non attingant aliqua objecta quæ non cognoscantur ab inferioribus, loquendo de scientia rerum naturalium; non potest testificari quod superiores Angeli participant scientiam magis in universalis, quam inferiores, nisi quia primi intelligent per species universaliares quam alii. Unde idem Dio-

nysius ibidem suprà cap. 7. dixerat, quod Angelum, qui non habeat species universales representantes plures naturas. Angelus siquidem infimus magis excedit hominem in perfectione intellectuali, seu in actualitate & immaterialitate, quam Angelus supremus excedit infimum: Sed propter excelsum in hujusmodi perfectione, Angelus supremus habet species universaliares, & plures naturas representantes, quam species infimi: Ergo etiam Angelus infimus habebit species universaliares & plures representantes, quam representent species hominis.

Confirmatur: Ratio ob quam Angeli possunt intelligere per species universales, est quia non intelligunt per species acceptas à rebus, sed à Deo naturaliter inditas: At hoc communè est omnibus Angelis: Ergo possunt per species universales omnes Angeli intelligere.

Colligunt secundo, quod quando D. Thomas hic art. 3. ait: *Quādū Angelus fuerit separatus per pauciores species universitatem intelligibilis apprehendere patet: & idem oportet quod eius fama sint universalia: non loquitur de supernitate in hierarchia, vel ordine (ut Ferrariensis existimat) sed in gradu specifico, & in natura, ut alii Thomistæ interpretantur.*

Patet etiam hoc corollarium: Tum quia non men illud, superior, absque ullo addito, supernitatem in natura significat: Tum etiam, quia ratio quā D. Thomas utitur ad hoc probandum id aperte declarat. Hæc nempe ratio sumuntur eo quod Angelus superior maiorem habet affinitationem ad Deum, ut antea declaravimus: sed non solum Angeli qui sunt superiores in hierarchia & ordine, sed etiam illi qui sunt superiores in natura & gradu specifico, quamvis sine ejusdem ordinis vel hierarchia, magis affinitatem Deo, quam alii illis inferiores in perfectione naturæ: Ergo D. Thomas non solum loquitur de Angelis superioribus in hierarchia, vel ordine, sed etiam de superioribus solum in gradu specifico & in natura.

Confirmatur ex eodem S. Doctore quæst. 1. de verit. art. 10. ubi docet Angelum tanto per universaliares species intelligere, quanto plus in illo fuerit de actu, & minus de potentia: Sed hoc constat inveniri in quolibet Angelo superiori quoad gradum specificum, quamvis non sit superior quoad hierarchiam, vel ordinem: Ergo idem quod prius.

Colligunt tertio, Universalitatem specierum Angelicarum confitentes in hoc quod plures naturas seu quidditates specificas representent. Non potest enim hæc specierum universalitas confitentes in hoc quod representent plura individua actualia ejusdem speciei: cum etiam infimus Angelus in specie representent naturam specificam, cognoscat omnia ejus actualia individua. Nec consistit etiam in hoc quod representent plura

## S. II.

*Corollaria notata denga.*

**E**x dictis colligunt primò, nullum de facto esse Angelum, qui non habeat species universales representantes plures naturas. Angelus siquidem infimus magis excedit hominem in perfectione intellectuali, seu in actualitate & immaterialitate, quam Angelus supremus excedit infimum: Sed propter excelsum in hujusmodi perfectione, Angelus supremus habet species universaliares, & plures naturas representantes, quam species infimi: Ergo etiam Angelus infimus habebit species universaliares & plures representantes, quam representent species hominis.

Confirmatur: Ratio ob quam Angeli possunt intelligere per species universales, est quia non intelligunt per species acceptas à rebus, sed à Deo naturaliter inditas: At hoc communè est omnibus Angelis: Ergo possunt per species universales omnes Angeli intelligere.

Colligunt secundo, quod quando D. Thomas hic art. 3. ait: *Quādū Angelus fuerit separatus per pauciores species universitatem intelligibilis apprehendere patet: & idem oportet quod eius fama sint universalia: non loquitur de supernitate in hierarchia, vel ordine (ut Ferrariensis existimat) sed in gradu specifico, & in natura, ut alii Thomistæ interpretantur.*

Patet etiam hoc corollarium: Tum quia non men illud, superior, absque ullo addito, supernitatem in natura significat: Tum etiam, quia ratio quā D. Thomas utitur ad hoc probandum id aperte declarat. Hæc nempe ratio sumuntur eo quod Angelus superior maiorem habet affinitationem ad Deum, ut antea declaravimus: sed non solum Angeli qui sunt superiores in hierarchia & ordine, sed etiam illi qui sunt superiores in natura & gradu specifico, quamvis sine ejusdem ordinis vel hierarchia, magis affinitatem Deo, quam alii illis inferiores in perfectione naturæ: Ergo D. Thomas non solum loquitur de Angelis superioribus in hierarchia, vel ordine, sed etiam de superioribus solum in gradu specifico & in natura.

Confirmatur ex eodem S. Doctore quæst. 1. de verit. art. 10. ubi docet Angelum tanto per universaliares species intelligere, quanto plus in illo fuerit de actu, & minus de potentia: Sed hoc constat inveniri in quolibet Angelo superiori quoad gradum specificum, quamvis non sit superior quoad hierarchiam, vel ordinem: Ergo idem quod prius.

Colligunt tertio, Universalitatem specierum Angelicarum confitentes in hoc quod plures naturas seu quidditates specificas representent. Non potest enim hæc specierum universalitas confitentes in hoc quod representent plura individua actualia ejusdem speciei: cum etiam infimus Angelus in specie representent naturam specificam, cognoscat omnia ejus actualia individua. Nec consistit etiam in hoc quod representent plura